

越縵堂日記

第四十二冊

荀學齋日記乙集上

光緒十年甲申三月丙子朔晴寒甚如中冬 極乃梯山桃將華 郭子

鈞來 雲門來 書玉來 金志甫來 朱荅生來 書玉邀夜飲三更歸

唐代朝官奉祿最薄然白居易為校書郎正九品也而其詩曰俸錢萬六千月給亦
有餘反兼京兆府戶曹參軍正八品下階也而其詩曰俸錢四五萬月可奉晨昏廩祿
二百石歲可盈倉因宋初州縣小官俸亦至薄然黃庭夫庶代檀集自序云歷佐一府三
州皆為從事月廩祿官粟常兩斛錢常七千洪容齋謂今之薄尉蓋七八倍於此
若兩斛七千祇可祿一書吏小校蓋南宋奉祿優厚如此以視今日五品朝官歲奉米十
五石六斗尚須關說倉官至優若一石可得百二十斤外又奉銀六十四兩而已

初二日丁丑晴下午又風 買牡丹兩本花八朵付錢七千 付浙紹鄉祠長班

曹興三月工食錢二千

嚴鹿霖來

得書玉書即復

仍服前日

方藥

聞前日有

旨廣西巡撫徐延旭雲南巡撫唐炯俱革任逮問以

署湖南巡撫潘鼎新調廣西以貴州巡撫張凱嵩調雲南自去冬越南之西

以貴州巡撫徐延旭雲南巡撫唐炯俱革任逮問以

失守廣西提督黃桂蘭候補道趙沃駐兵北甯不能殺徐延旭駐鎮南關外百餘

里之諒山

朝命雲貴總督岑毓英節制諸軍岑妻撤延旭益兵嚴守北甯

及今年二月初旬法兵至北甯桂蘭等不戰而潰十音電報至有旨延旭

桂蘭皆革職留任

命潘鼎新馳赴廣西督防務而湖南布政使龐際雲護

巡撫任侍講志銳御史黃自元馮應壽連章劾延旭請治罪近日法兵由北甯進

陷太原二日鐵香疏請嚴治炯延旭罪而立誅桂蘭沃並飭潘鼎新馳出關起

前提督馬子材與張樹聲駐南甯為後路聲援故有此處分而外延鮮知之者

容齋三筆云國朝官稱謂大學士至待制為侍從謂翰林學士中書舍

人為兩制舍人官未至者則云知制誥故稱美之為三字謂尚書侍郎為六部

長貳謂散騎常侍給事中諫議為大案此字疑衍兩省今盡以在京職事官自尚書至

權侍郎及學士待制均為侍從蓋相承不深考耳又云元豐未改官制以前用

職事官寄祿自諫議大夫轉給事中學士轉中書舍人歷三侍郎學士轉左曹禮戶吏部餘人轉右曹工刑

部兵部左右丞然後轉六尚書各為一官案謂自左右丞轉工尚書轉禮尚書轉刑尚書

轉僕射非曾任宰相者不許轉今之特進是也故侍從止於吏書由諫議至此凡

子一一作二轉其庶僚久於卿列者則自光祿卿轉祕書監繼歷太子賓客遂得

工部侍郎蓋以不帶待制以上職不許入西省給諫耳元豐改諫議為太中太

夫給舍為通議六侍郎同為正議左右丞為光祿兵戶刑禮工書同為銀青吏書

金紫但六轉視舊法損其五元祐中以為太簡增正議光祿銀青為左右然亦

纔九資大觀二年置通奉以易右正議正奉以易右光祿宣奉以易左光祿以

右銀青為光祿而至銀青者去其左字今皆仍之此倣舊制今之通奉乃工禮侍

郎正議乃刑戶正奉乃兵吏宣奉乃左右丞三光祿乃六尚書也凡侍從序遷至

金紫無止法建炎以前多有之紹興以來階官到此絕少惟梁揚祖案察葛勝

仲案字魯卿致仕得之又四筆云治平以前自翰林學士罷補外者得瑞明殿學士謂

之換職熙寧之後乃始為龍圖紹興以來愈不及矣修起居注者序遷知制誥

其次及辭不為者乃為待制趙康清馮文簡曾魯公同馬公呂正獻公是也學

士闕則次補案此謂知制誥及補帶或為宰相所不樂者猶得待讀學士劉原甫即處父是也

在職未久而外除者為樞密直學士韓魏公是也亦為龍圖直學士歐陽公是也

隨筆云國朝館閣之
選其高者曰集賢殿
修撰夫館修撰直能
圖閣直昭文館直史館
直集賢院直祕閣直
寶祕閣校理官皆館
閣校勘史館檢討均謂
之館職記注官錄於此
取之非修注未有直除
知制誥者官至員外郎
則任中外皆偏為學士
及元豐官制行凡帶職
者皆選官而罷之而置
祕書省官大抵與職事官
事反為留帶而後初除
書正字往後試雜曰館職
不經其選叙反不若書
監之輕視矣

後來詞臣益輕囊懼若僅得待制餘以善去若集英修撰而止耳又云國朝
儒館仍唐制有四曰昭文館曰史館曰集賢院曰祕閣率以上相領昭文大學士其
次監修國史其次領集賢若祇兩相則首應兼國史唯祕閣最低故但以兩制判
之四局各置直官均謂之館職皆俱學士其下則為校理檢討校勘地望清切非
名流不得處范景仁為館閣校勘當遷校理宰相龐籍言范鎮有異才恬於進
取乃除直祕閣司馬公作詩賀之元豐官制行不置昭文集賢以史館入著作局而
直祕閣祇為貼職至崇甯政宣以處大臣子弟姻戚其濫及於錢穀文俗史士大夫不
復貴重矣又曰蔣魏公之奇
逸史二十卷類叔所著也中有云舊制執政變轉謂自工
部侍郎轉刑部刑部轉兵部兵部轉工部尚書惟宰相對轉工部侍郎直轉工
部比執政為三遷予考舊制執政轉官與學士等六侍郎則升
聖二字有誤
當改一字兩曹以工

禮刑戶兵吏為叙至兵侍者轉右丞至吏侍者轉左丞皆轉工書然後細審當是

今言兵侍即轉工書非也宰相為侍郎者并三曾為尚書者變轉知工侍轉戶侍

禮侍轉兵侍若係戶侍當改二丞而宰相故事不歷丞故直遷尚書今言工侍對轉

工書非也其言官制沿革遷轉皆史志所未詳它如樞密名滿更易一條謂國相

樞密之名其長為使則其貳為副使其長為知院則其貳為同知院惟大中祥符時

王繼英由知院改使陳堯實由同知院改簽書院事而恩例同副使王鈞若陳堯實

知院馬知節簽書院富弼文彥博呂公弼已為使而陳升之除知院知院與使並置非

故事也紹興以來唯韓世忠張俊為使岳飛為副使此後除使固多而其貳祇為同

知亦非故事也見三祖宗朝宰相一係謂祖宗朝宰相名為樞密百僚雖樞密副使

亦在太師一品之上陳至其罷免歸班則與庶僚等李崇矩自樞密使罷為鎮國軍節

度使旋改左衛大將軍遂為廣南西道都巡檢使徙海南四州都巡檢使皆非降黜
在南宋年入判金吾衛仗司而卒猶贈太尉趙安仁嘗參知政事而判樞密院張
鎰嘗知樞密院而監諸司庫務曾孝寬以簽書樞密服闋而判司農寺張宏李惟
清皆自見任樞密副使徙御史中丞其他以前執政而為三司使中丞者數人官制既
行猶多除六曹尚書自崇甯以來乃始不然見續筆文臣換武使一條謂祖宗之世文

臣換授武使皆不越級錢若水自樞密副使罷守工部侍郎後除神戶州乃換鄧州

觀察使王嗣宗以中書侍郎李士衡以三司使李維以尚書王素以端明左丞亦皆

觀察度歷初以陝西四帥方禦夏羌欲優其俸賜故韓琦范仲淹王沿龐籍皆

以樞密龍圖直學士換為廉車

中觀

自南渡以來始大不然張澄以端明學士楊侯

以敷文學士便為節度近者趙師夔吳玠以待制而換承宣使不數月間遇恩即

建節師揆師垂以秘閣修撰觀察使皆度越彝憲誠異恩也

見三又帶職

人轉官一條謂故事官制未行時前行郎中遷少卿有出身得太常無出身司農

雖轉光祿即今奉直朝議也自少卿遷大卿監有出身得光祿卿無出身歷司農卿

少府監衛尉卿然後至光祿若帶職則自少農以上徑得光祿不涉餘級至有超

五資者

見隨筆

元豐官制一條謂元豐官制初成欲以司馬公為御史大夫元祐初起文潞

公擬處以侍中中書令皆不果自後不復除此等官以為前無故事其實不然也紹興

二十五年中批右正言張扶除太常卿執政言自來太常不置卿遂改宗正復言之乃以

為國子祭酒近歲除莫濟秘書監濟辭避累日然後就職已而李薊陳騷鄭丙皆

為之均曰職事官何不可除之有

同上

郎中用資序一條謂官制既行郎中員外郎

為兩等因履歷而授之後來相承必已升知州資序者為郎中於是拜員外郎者吏部

通理累滿八考則升知州乃正作郎中別命詞給告頃嘗有旨初除郎官者雖資
歷已高且為員外候吏部再申然後升作郎中近歲掌故失之故李太性自浙東提刑
除吏部岳震自將作少監除度支其告內即云郎中與元指揮永矣見四筆臺諫不
相見一條謂國朝故實臺諫官不相見嘉祐六年司馬公同知諫院上章乞立宗室為

繼嗣宰相韓公閔侍御史陳洙聞殿院與司馬舍人甚熟近日上殿言何事洙答以頃
年曾同為直講近以彼此臺諫官不相往來不知言何事趙清獻公為御史論陳恭公

而范蜀公以諫官與之爭元祐中諫官劉器之果況之等論蔡新州而御史中丞以下皆以
無章疏罷黜請康中諫議大夫馮澥論時政失當為侍御史李光所駁今兩者舍為

一府居同門出同幕與故事異見續筆又四筆云臺諫分職不同各自有故實元豐三

中趙彥若為諫議大夫論門下侍郎章子厚左丞王安禮不宜處位神宗以彥若優

侵御史論事左轉秘書監蓋許其論議而責其彈擊為非也唐人朝制大率薄

御史而重諫官中丞區遼道過左補闕李虞惠不避權從者答擊左拾遺舒元龜等

言故事供奉官宰相外無屈避遼補雖卑侍臣也中丞雖高法吏也侍臣見陵法吏

日忠請得論罪乃詔臺官供奉官共道路聽先後行相值則揖退則唐時三職了不

相謀云

臺諫分職條

周蜀九經一條謂成都石經春秋三傳皇祐元年畢工後列知益州樞密

直學士右諫議大夫田況衡大書為三行而轉運使直史館曾穎叔提點刑獄屯田

員外郎孫長卿各細字一行又差低於況今雖執政作牧監司亦與之鴈行

見續筆

知州

轉運使為通判一條謂今世士大夫既責不可復賤高化中趙安易以宗正少卿知定州

就徙通判羅延吉既知彭祁緝三州而除通判廣州滕中正知興元府而通判河南袁

郭知楚鄆三州而除通判房州范正辭知汝澠三州而通判棣深陳若拙歷知單州殿

中將御史西川轉運使呂歸會等至守洛都表為通判欠之榮為錫鎮涇州復表

為通判皆非貶降近不復有矣神宗待文武臣一條謂元豐三年詔知州軍不

應舉京官職官者許通判舉之蓋諸州守臣有以不使臣為之而通判官入京

朝故許之薦舉今以不使臣守沿邊小郡而公然為人改官蓋有司不舉行故事

也見三興文路公奏除改官制一條言吏部選兩任親氏有舉主升通判通判兩

任滿有舉主升知州軍謂之常調知州軍有績效或有舉薦名實相副者

特擢升轉運使副判官或提點刑獄推判官謂之出常調轉運使有路分遠

近輕重之差由遠二廣福建梓路利慶三路任滿移上次等路或都路為次重路京東西淮南之江

或歸任省府判官漸次擢充三路重任謂河北等三路路公所奏乃是治平以前常行今一

切蕩然矣見四唐御史遷轉定限一條謂唐制監察御史在任二十五月轉殿

中侍御史十八月轉侍御史十三月轉國朝元豐以前監察滿四年轉殿中
又四年轉侍御史又四年解臺職始轉司封員外郎元豐五年以後升沈迥判
矣上同其言封贈之制四筆云封贈先世自晉宋以來有之迨唐始萌然率不過一
代其恩及祖廟者絕鮮亦未嘗至極品郭汾陽二十四考中書令而其父贈止太
保權德輿位宰相其祖贈止郎中唐末五季宰輔貴臣始追榮三代國朝因之
李文正公昉本工部郎中起之子出繼從叔紹昉再入相求贈所生父祖官封詔贈
祖溫太子太保祖母權氏善國太夫人父起太子太師母謝氏鄭國太夫人可謂
異數後不聞繼之者五筆云唐世贈典准一品乃及祖餘官祇贈父而長慶中
恩澤頗異白居易制集有戶部尚書楊於陵回贈其祖為吏部郎中祖母崔氏
為郡夫人馬總準制贈亡父亦請回其祖及祖母散騎常侍張惟素亦然非常制

也是時崔植為相亦有陳情表云亡父嬰甫是臣本生亡伯祿甫臣今承後自云
年以來累有慶澤或有陳乞皆許回授今請以在官秩并前後合敘勳
封特乞回充追贈則知其時一切之制如此伯兄文惠公執政乞以己合轉官回贈
高祖既已得旨而為後省封還因近無此比且失於考引唐時故事也三筆云
舊法大卿監以上贈父至太尉止餘官至吏部尚書止今因封法餘官至金紫光
祿大夫蓋皆之吏書也而中散以上贈父至少師止舊法生為執政其身後但有
子升朝則累贈可至極品大國公歐陽公任參知政事太子太師後以諸子恩至太師
充國公而其子棐亦不過朝奉大夫耳比年汪莊敏公任樞密使以子贈太師當封
國公而司封以為須一子為侍從乃可竟不肯施行不知其說載於何法也宋漢章
傳卻以子贈至大國公隨筆云國朝未改官制以前從官丞郎直學士以降身後

大抵無贈典唯尚書學士有之然亦甚薄余襄公王素自工書得刑書蔡君謨
自端明禮侍得更侍耳元豐以後待制以上皆有四官之恩後遂以為常典而致仕
又遷一秩梁楊祖終實文學士宣奉大夫既以致仕轉光祿遂贈特進龍圖學士
蓋以為銀青金紫特進祇三官故增其職是從左丞得僕射也節度使舊制贈
侍中或太尉官制行多贈開府秦檜創立檢校少保之例以贈王德用夢得張
澄近歲王彥遂用之實無所益也元祐中王巖叟終於朝奉郎端明殿學士以
嘗簽書樞密院故起贈正議大夫楊愿終於朝奉郎資政殿學士但贈朝請
大夫以執政而贈郎秩案朝請大夫本為前行郎中故云贈郎秩輕重不侔皆掌故之失也凡此皆兩宋故
事尤史所不能具故彙而次之以便檢閱其要引唐五代科名記以證史誤亦皆精
鴻間及當時風俗如冗官之多服章之濫僭官之僭妄相謂之輕率頗與今日相似

郎鈔

翰林院侍讀楊頤為順天府府丞

太常寺卿明桂為大理寺卿

初三日戊寅晨露上午晴有風比日寒有薄冰 容齋隨筆卷一云

唐開成二年三月三日河南尹李待價將襖於洛濱前一日啟留李裴全公

公明日召太子少傅白居易太子賓客蕭籍李仍叔劉禹錫中書舍人鄭居

等十五人會宴舟中自晨及暮前水嬉而後妓樂左筆硯而右壺觴堂之若仙

觀者如堵裴公首賦一章四坐繼和樂天為十二韵以獻見於集中今人賦上已鮮

有用其事者裴公是年起節度河東樂天又有奉和裴舍公三月上巳日游太原

龍泉憶去歲襟洛之作是開成三年上巳裴公四年三月始蒙新吏度傳乃云三年

以病乞還東都文宗上已宴羣臣曲江度不赴帝賜以詩使者及門而度薨

似以為三年誤也宰相表御載其三年十二月為中書令四年三月薨而帝紀金

書獨舊史紀傳為是慈銘案舊唐書裴度傳云開成二年五月復以本官

案本官謂司徒

中書兼太原尹北都留守河東節度使三年冬病甚乞還東都養病四年正月

詔許還京拜中書令

案前是使相兼職此是真拜

以疾未任朝謝屬上已曲江賜宴羣臣賦詩

度以疾不能赴文宗遣中使賜度詩曰汪想待元英識君恨不早我家柱石衰

憂未學止禱仍賜御札曰朕詩集中欲得見卿唱和詩故令示此卿疾恙未瘳

無心力但異日進來春時俗說難於將攝勉加調護速就和平千百曾懷不具一

二藥物所須無憚奏請之煩也御札及門而度已薨四年三月四日也上重令繕寫置

之靈坐時年七十五所叙至為明晰新書惟以病乞還東都下失書四年二字耳